

Sasar jadi tuan rumah Simposium Haji, Umrah

Mudahkan pemain industri serantau hadir, kemuka idea kepada Arab Saudi

Daripada Syuhada Choo Abdullah di Makkah



Jeddah: Malaysia merancang untuk menjadi tuan rumah Simposium Haji dan Umrah anjuran Kerajaan Arab Saudi, bagi memudahkan penyertaan serta perkongsian idea terbaik daripada pemain industri itu dalam kalangan negara serantau, khususnya ASEAN pada masa depan.

Menteri di Jabatan Perdana Menteri (Hal Ehwal Agama), Datuk Dr Mohd Na'im Mokhtar, berkata beliau akan mengemukakan cadangan itu kepada Menteri Haji dan Umrah Arab Saudi, Dr Tawfiq Fawzan Al-Rabeeah, dalam masa terdekat.

Beliau berkata, pihaknya bersama Lembaga Tabung Haji (TH) bersedia untuk memainkan pe-

ranan itu, justeru perbincangan akan dibuat secepat mungkin dengan Dr Tawfiq bagi merealisasikan cadangan berkenaan selewat-lewatnya dalam tempoh dua tahun lagi.

Cungkil bakat baharu

"Apabila simposium itu diadakan di Malaysia sebagai tuan rumah, ia dapat memudahkan lagi pemain industri haji dan umrah serantau untuk mengahadirinya kerana lebih dekat berbanding kos jika ke Arab Saudi yang agak jauh.

"Kita boleh membawa rakan Islam dari negara serantau untuk bersama mencungkil bakat baharu yang mahir serta berpe-

ngetahuan dalam bidang berkaitan haji dan umrah, selain berkongsi idea terbaik seperti cara bagi mengurangkan kos haji.

"Usaha penambahbaikan ini akhirnya akan memberi manfaat kepada rakyat (beragama Islam) di negara masing-masing, insya-Allah," katanya kepada pemberita pada Simposium Perdana Haji di Jeddah, kelmarin.

Yang turut hadir ialah Pengerusi TH, Tan Sri Azman Mokhtar; Pengarah Urusan Kumpulan dan Ketua Pegawai Eksekutif TH, Syed Hamadah Syed Othman; serta Ketua Rombongan Haji Malaysia, Datuk Seri Syed Saleh Syed Abdul Rahman.

Simposium itu dianjurkan



Mohd Na'im (dua dari kiri) mendengar penerangan pada Simposium Perdana Haji di Jeddah, kelmarin. (Foto Syuhada Choo Abdullah/BH)

Kementerian Haji dan Umrah Arab Saudi pada setiap musim haji sejak 1397H bagi membincangkan pelbagai isu berkaitan perkhidmatan kepada jemaah dari seluruh dunia.

Penganjuran kali ke-47, kelmarin, turut dihadiri Ketua Presiden bagi Hal Ehwal Dua Masjid Suci, Sheikh Dr Abdulrahman Al-Sudais.

Mohd Na'im berkata, simposium kali ini memfokus kepada tema berkaitan 'kemudahan' yang antara lain memberi penekanan kepada penyelarasan dalam kalangan semua agensi terbabit bagi memastikan perkhidmatan terbaik diberikan kepada jemaah haji.